

DEKRETUA

Zk: 672

Data: 2018/06/18

Gizarte-ekintzako subentzioen deialdia

Galdakako udalbatzak, 2015eko abenduaren 22an egindako ohiko bilkuran, 2016-2019 eperako diru-laguntzen Plan estrategikoa onetsi zuen.

“Gizarte Ekintza Arloko Diru-laguntzak emateko Oinarri Arautzaile Bereziak”, Udalbatzak 2010eko apirilaren 28an hartutako erabakiz, onetsi ziren (2010/05/10eko 86. zenbakidun BAO). Harrezkero, udalbatzak hartutako erabakiz aldatu izan dira, lehenengo aldiz 2011ko abenduaren 29an egindako Osoko Bilkuran (2012ko otsailaren 22ko 37. zenbakidun BAO); eta, bigarren aldiz, 2014ko otsailaren 27an egindako Osoko Bilkuran (2014ko maiatzaren 7ko 85. zenbakidun BAO).

Kreditua dago ondoko partidetan: 04.2313.481.13, 04.2319.481.19 y 04.2318.490.01

Gizarte Ongizate, Toki-garapen eta Enpleguko Arduradunak, 2018ko maiatzaren 17ko dataz, txostena egin du.

Zerbitzu Orokorren Teknikariak 2018ko ekainaren 18ko dataz txostena egin du.

2018ko ekainaren 18ko dataz BN. Kontuhartzaileak diru-laguntzen lerroei buruz informatu du.

Galdakako udalak eta Erakunde Autonomoek diru-laguntzak ematea arautzen duen Ordenantza Orokorraren 20. artikulua xedatzen du norgehiagoka bidezko erregimenean emakidatzeko prozedura administrazioaren kabuz hasten dela Alkateak onetsitako deialdiaren bidez eta Bizkaiko Aldizkari Ofizialean eta Korporazioaren iragarki-oholean argitaratuz.

ERABAKITZEN DUT:

Lehenengoa.- Gizarte Ekintza Arloko diru-laguntzen ondoko lerroei dagozkien 2018ko ekitaldiko deialdia onestea, ebazpen honen eranskinean dauden baldintzen arabera:

- NAGUSIEN ELKARTEENTZAKO LAGUNTZAK: Zenbatekoa: 14.000,00 euro. Aurrekontuko partida: 04.2313.481.13

- GIZARTE ENTITATEENTZAKO LAGUNTZAK: Zenbatekoa: 17.000,00 euro. Aurrekontuko Partida: 04.2319.481.19

-HAURREN ALDI BATEKO EGONALDIETARAKO LAGUNTZAK: Zenbatekoa: 4.043,00 euro. Aurrekontuko Partida: 04.2318.490.01

-GARAPENERAKO LANKIDETZA GAIETARAKO LAGUNTZAK: Zenbatekoa: 51.963,00 euro. Aurrekontu Partida: 04.2318.490.01.

Bigarrena.- Deialdiaren laburpena Bizkaiko Aldizkari Ofizialean argitaratzea, Diru-laguntzen Datu-base Nazionalaren bidetik.

Era berean, deialdiaren testua osorik udaletxeko iragarki-oholean eta udalaren web-orrian argitaratzea.

Hirugarrena.- Deialdiari buruzko informazioaz gain, araudi ezargarrian dauden baldintzen arabera izandako emakidaren edo emakidei buruzko informazioa ere Diru-laguntzen Base Nazionalera bidaltzea

Itxon Uribe Elorrieta
Alkatea

10.05



GIZARTE EKINTZA ARLOKO DIRU-LAGUNTZETARAKO 2018KO EKITALDIKO DEIALDIA

1.- Oinarri arautzaileak.

Gizarte Ekintza Arloko diru-laguntzak emateko Oinarri Arautzaile Bereziek, Udalbatzak 2010eko otsailaren 24an egindako bilkuran hartutako erabakiz, onespena izan zuten eta bere testu osoa 2010eko maiatzaren 10eko 86. zenbakidun "Bizkaiko Aldizkari Ofizialean" argitaratu da.

Ondoren, aipatutako Oinarriak aldatuak izan dira, Udalbatzak hartutako erabakiz; lehenengo aldiz, 2011ko abenduaren 29an egindako osoko bilkuran eta aldaketa horren testua 2012ko otsailaren 22ko 37. zenbakidun Bizkaiko Aldizkari Ofizialean argitaratu zena eta, bigarren aldiz, 2014ko otsailaren 27an egindako osoko bilkuran eta aldaketaren testua 2014ko maiatzaren 7ko 85. zenbakidun Bizkaiko Aldizkari Ofizialean argitaratu zena.

Oinarri horiek, aldaketako testua eta deialdi hau eskabide-eredua eta gainerako eredu normalizatuekin batera Udalaren web orritik jaitsi ahal izango dira: <http://www.galdakao.eus/dirulaguntzak-subentzioak/>

Era berean, Gizarte Ekintzako Udal Bulegoetan eskura daitezke (Pontzi Zabala, 3-A-Ardanza Parkea. Galdakao).

2.- Gehieneko zenbatekoa guztira eta diru-laguntzak egozten zaizkien aurrekontu-kredituak.

Diru-laguntza lerro bakoitzeko deitutako gehieneko zenbatekoa guztira eta bakoitza egozten zaion aurrekontuko partida ondokoak dira:

- NAGUSIEN ELKARTEENTZAKO LAGUNTZAK: Kopurua: 14.000,00 euro Aurrekontuko Partida: 04.2313.481.13

- GIZARTE ENTITATEENTZAKO LAGUNTZAK: Zenbatekoa: 17.000,00 euro. Aurrekontuko Partida: 04.2319.481.19

- HAURREN ALDI BATEKO EGONALDIETARAKO LAGUNTZAK: Zenbatekoa: 4.043,00 euro. Aurrekontuko Partida: 04.2318.490.01.

- GARAPENERAKO LANKIDETZA GAJETARAKO LAGUNTZAK: Zenbatekoa: 51.963,00 euro. Aurrekontu Partida: 04.2318.490.01.

3.- Diru-laguntza ematearen helburua eta xedea.

Diru-laguntzaren helburua izango da, aurreko 1. atalean adierazitako Oinarri Arautzaile Berezietan, eta beraien aldaketan, definitutako diru-laguntza lerroren batean sar daitezkeen jarduerak, programak edo proiektu konkretuak finantzatzea, eskatzaileak proposatu eta Administrazioak onartu ondoren.

4.- Diru-laguntza eskatzeko betekizunak eta Onartutako eskabideak baloratzeko irizpideak.

Aurreko 1. atalean adierazitako Oinarri Arautzaile Berezietan, eta beraien aldaketan, aurreikusitakoak.

5.- Emateko araubidea.

Norgehiagoka araubidez emango dira, diru-laguntza lerro bakoitzari eman zaion gehieneko zenbateko osoaren hainbanaketa sistema ezarriz, puntukako modalitatean.

Diru-laguntzak banatu ondoren, aurrekontuko partidan soberako zenbatekorik balego eta eskatutakoa baino diru-kopuru txikiagoa egokitu zaien eskabide onarturik balego, aipatutako eskabideen artean soberako zenbatekoaren puntukako hainbanaketa egingo litzateke berriro ere, kreditu erabilgarria agortu arte.

6.- Eskabideen aurkezpena.

- **Epea:** Diru-laguntzak eskuratzeko eskabideak, erantsitako dokumentazioarekin batera, aurkezteko epea, **15 lanegunekoa** izango da, Deialdi honen laburpena Bizkaiko Aldizkari Ofizialean argitaratu eta biharamunetik aurrera zenbatzen hasita. Eskabideak Alkate-udalburuari zuzendu eta onuradunak edo ordezkatzan duen pertsonak izenpetuta izan beharko dira.

- **Eskabide-eredua:** Proiektu edo programaren eskabide-eredu normalizatua eta laburpen-fitxa eredu normalizatua daude, erakunde eskatzaileek nahitaez erabili beharko dutenak.

7.- Eskaerari atxiki behar zaion dokumentazioa.

a) Diru-laguntzaren eskabide-orria bete behar da, bertan erakunde eskatzailearen ondokoak sartuz: Erantzukizun Aitorpena, Diru-laguntzei buruzko 38/2003 Lege Orokorraren 13.2 artikuluan adierazitako inongo auzibidetan sarturik ez dagoela aipatuz eta Erantzukizun Aitorpena, bertan adieraziz eskatzailea administrazio edo zigor-bidetik zigortu ez dutela, diru-laguntzak edo laguntza publikoak lortzeko aukera galduz, sexu, arraza edo erlijioagatiko bereizkeriagatiko zehapenak barne, edo horretarako gaitasungabetzen dituen legezko debekurik ez dutela (Udalak emandako ereduaren arabera).

b) Proiektuaren edo programaren laburpen-fitxa (Udalak emandako ereduaren arabera), eta, behar balitz, garatutako proiektua.

c) Programa egiteko aurreikusitako gastuen eta diru-sarreraren aurrekontua banakatua eta xehea, laguntzak eskatu edo onartu zaieneko beste erakunde publiko edo pribatuak zehaztuz, berorien zenbatekoa adieraziz (Udalak emandako ereduaren arabera).

d) Izenpetzen duenaren Nortasun Agiri Nazionalaren fotokopia.

e) Entitate edo Elkartearen Identifikazio Fiskalaren Zenbakiaren fotokopia.

f) Estatutuen fotokopia.

g) Dagokion erregistroan inskripzioa egiaztatzen duen dokumentuaren fotokopia.

h) Bizkaiko Foru Ogasunak eta Gizarte Segurantzako Diruzaintzak emandako egiaztagiria zerga-betebeharretan eta Gizarte Segurantzarekin egunean dela egiaztatuz. Egiaztagiri horiek deialdi hau argitaratu ondokoak izan behar dute.

Eskabideak 3.000 eurotik gorakoak ez badira, Diru-laguntzen Arautegi Orokorraren 24. artikuluan aipatzen den erantzukizunpeko aitortpen erraztuarekin ordezkatu ahal izango dira.

i) Aurreko ekitaldian garatutako jardueren memoria (berriki eraturako Entitatea ez bada).

j) Behar bezala betetako "Hartzekodunen Orria".

k) Eskabidea Garapenerako Lankidetzaren eremura aurkezten bada eta Proiektuaren exekuzioa osorik edo zati batean tokiko bazkideen edo atzerriko kontraparteen bidez egiten bada, dokumentu berezia erantsi beharko da, bertan entitate eskatzailearen eta tokiko kontraparteen konpromisoak eta erantzukizunak jasoz (Udalak emandako ereduaren arabera).

l) "Gizarte-entitateen Laguntza" eskabideak aurkeztu behar dira proiektuaren Galdakako hartzaile kopurua adierazita.

ll) Haurren alde bateko egonaldia-gatiko laguntza-eskabideak aurkeztu behar dira, proiektuaren Galdakako hartzaile kopurua eta hartutako adingabe bakoitzeko familia bakoitzak beregain hartu behar duen kostua adierazita.

m) Diru-laguntza zehatzen baterako, Gizarte Ekintza Arloko diru-laguntzak emateko Oinarri Arautzaileen Xedapen Berezieta aipatzen den beste edozein dokumentu.

d), e), f), g), i), j) hizkietan adierazitako dokumenturen bat Administrazioaren esku balego, diru-laguntza eskatzen duenak ez aurkezteko eskubidea izango du, Herri Administrazioen Administrazio Prozedura Erkidearen urriaren 1eko 39/2015 Legearen 28.2 artikulua arabera. Hala balitz, dokumentazioa entregatu zenean zeuden inguruabarrak aldatu ez izanari buruzko erantzukizun-adierazpena aurkeztu beharko du, dokumentu horietan berriaz adieraziz.

h) hizkian adierazitako dokumentuen kasuan, interesdunak ez daude beharturik horiek aurkeztera, betiere interesdunak adostasuna adierazi badiu dokumentu horiek kontsultatzeari edo ateratzeari.

Eskabideak osorik formalizatuko ez balira edo eskatutako dokumenturen bat faltako balitz, entitate interesdunari eskatuko zaio 10 eguneko epean akatsak zuzen ditzan edo nahitaezko dokumentuak aurkez ditzan. Hala egingo ez balu, eskaerari uko egin diola ulertuko da, aurretik horretarako ebazpena eman ondoren.

8.- Instrukziorako eskumena duten organoak eta ebazpena

- Instrukziorako eskumena duen organoa: Gizarte Ekintza arloko teknikariak.
- Emakidatzeko proposamena egiteko eskumena duen organoa: Arloaren arabera, eskumena duen Informazio-batzordea.
- Ebazpena emateko eskumena duen organoa: Alkatetza, betiere udalaren organo honek ordezkari izateko duen ahalmenari kalterik egin gabe.

9.- Ebazteko eta jakinarazteko epea.

Diru-laguntzak ematea ebazteko eta prozeduraren ebazpena jakinarazteko gehieneko epea, deialdi hau argitaratu den datatik hasita sei hilabetekoa izango da.

Gehieneko epea amaituta ebazpenik jakinarazi ez balitz, interesdunei legitimazioa ematen die diru-laguntza emateko eskabidea aintzat hartu ez dela uler dezaten administrazio-isiltasunagatik.

10.- Jakinarazteko bideak.

Ebazpena indibidualki jakinaraziko zaio eskatzaile bakoitzari edo, hala badagokio, legezko ordezkariari, Herri Administrazioen Administrazio Prozedura Erkidearen urriaren 1eko 39/2015 Legearen 40. eta hurrengo artikuluetan aurreikusitakoaren arabera.

11.- Diru-laguntzen publizitatea


Diru-laguntza izan duten jardueren zabalkundeari dagokionez, entitate onuradunek dituzten betebeharrak eragotzi gabe, jasotako diru-laguntzen publizitatea eman beharko dute euren web- orrietan, hain zuzen, Gardentasunari, Informazio Publikoa Eskuratzeko Bideari eta Gobernu Onari buruzko abenduaren 9ko 19/2013 Legeak eta Euskadiko Toki-erakundearen apirilaren 7ko 2/2016 Legeak ezarritako eran eta baldintzetan.

12.- Errekurtsoak.

Ebazpenaren aurka, administrazio-bidean behin betikoa dena, jakinarazpena jaso ondoko egunetik hasita hilabeteko epean Aukerako Berraztertze Errekurtoa aurkez dezakezu Alkate-udalburuaren aurrean, edo zuzenean Administrazioarekiko Auzi Errekurtoa aurkez dezakezu, dagokion Bizkaiko Administrazioarekiko Auzien Epaitegiaren aurrean, uztailearen 13ko 29/1998 Legearen 8. eta 46. artikuluetan ezarritakoaren arabera, Administrazioarekiko Auzien Jurisdikzioa arautzen duena, jakinarazpena jaso den ondoko egunetik hasita 2 hilabeteko epean.

Galdakao, 2018ko ekainaren 18a

ALKATEA,



Jo. S.